



2014-2015 EPE ETA GAITEGIEN GAINKO OHARRA.

- **EPEari BURUZ**

Oso kritikoak gara EPE honekin. Arrazoi asko daude:

-EPE inposatua da, sindikatuon oniritzirik gabea. Osakidetzaren helburu bakarra bere burua garbitu eta langileok garatzen ari garen mobilizazioak bertan behera uztea baino ez da.

-EPE guztiz ez-nahikoa da, oso plaza gutxiarekin eta sindikatuok aldarrikatzen ditugun gutxieneko 3000 plazetatik oso urrun. Plaza kopuru honekin, ez dira betetzen ezta erretiroak ere, eta ondorioz, osakidetzan enplegu finkoa deuseztatzen ari da.

-Ez da kategoria guztientzako EPEa. Kategoria ez-sanitarioak bereziki mespretxatuak izan dira, Osakidetzak berauek pribatizatzeke daukan asmoa agerian uzten duena.

-EPEz EPE jasan behar izan dugun eredu zaharkituan oinarritzen da, milaka eta milaka behin-behineko langile lan-zerrendetan mantentzeko nota ona ateratzera behartzen dituen. Hori guztia, 2016ko balizko EPEari buruzko akordiorik ez dagoenean. Logikoa da EPE bakarra ateratzea, plaza guztiekin eta ez behartu beste EPE bat egitera urtebete barru.

-LABek gure EPE sistema alternatiboa aurkeztu genion Osakidetzari: tasarik ez, formakuntzaren gaineko negozioarekin amaitu eta, batez ere, azterketa gaindituz gero nota mantendu hurrengo deialdietarako. Osakidetzak, betiko moduan, entzungor.

- **GAITEGIEI BURUZ**

-Gaitegiak egitea enpresaren ardura da, Osakidetzarena. Ez litzateke sindikatuona izan beharko.

-Gaitegiak luzeegiak dira, zehaztugabeak, eta desfase nahikotxoekin bibliografia eta gaien artean. Ez dute ezta ardura txikienik ere hartu.

-Eskuartearen daukazun gaitegi hauek LABeko jendearen auzolan militantearen emaitzak dira. Uste dugu lan serio egin dugula, baina akatsik egon liteke.

-LABek lan hau guztia helburu bakarrarekin egiten du: EPE bati aurre egin behar dunenari laguntza eskaintzea. Ez dugu honako egoera zaila aprobetxatzen ez afiliaziorik ezta negoziorik egiteko ere. Horregatik eskegi ditugu ZELARI ETA ADMINISTRARI LAGUNTZAILE gaitegiak web orrialdean modu librean deskargatzeko. Erizain eta erizain laguntzailearekin ezinezko izan da eta CD formatutan atera ditugu, koste prezioan.

Osakidetzak jarraitzen du euskaldunon eskubideak errespetatu gabe. Bibliografia gehiena erdara hutsean baino ez dago, eta euskarazko azterketekin arazoak daude.

OHARRA: BIBLIOGRAFIAKO GAIEZ GAIN, ZURE IKASKETA PROZESUAN LAGUNTZEKO GIDA TXIKIA SARTU DUGU. ESPERO DEZAGUN ERBILGARRI IZATEA.

Animo eta Osakidetzan aurrera daramagun borrokari lotzera animatu nahi zaitugu, osasun sistema publiko, euskalduna eta kalitatezkoaren defentsan, zeinetan gure lan eskubideak eta lan baldintza duinak bermatzen diren. OSAKIDETZAN BORROKA GARAIA DA!

